



«Sc'i s'orun bun önn al ater, romagn Idio te nos, y so amur é te nos perfet.» (1 Jan 4, 12b)

La ploania i fej les miús aodanzes de benedisciun y fortüna ai nüc **Julia Ploner y Nicel Bioc** co se dá adöm tal sacramont dal matrimone en sabeda ai 23 de jügn a La Pli.

**Iulibeo:** en domegna ai 1 de iuli fajunse festa a **signor ploan** por so iubileo de **50 agn preo**. Al ven envié da fá füs la sabeda sera y iluminaziun tles ciases la domegna sera. Le program dla festa gnrará lasce alessei tla proscima plata.

### 1 enformaziuns y termins

**Distret sanitar:** l'ufize dla ripartiziun prestaziuns (Ex-Krankenkasse) al Distret Sozio-Sanitar a Piculin met man con l'orar da d'isté 2018. L'ufize é davert dai 15 de jügn cina ai 15 de setember ma plü lönesc, dedemesaledema y vendres dales 09:30 ales 12:45. L'orar por le sorvisc da tó jö sanch, resta le medemo co denant.

**Biblioteca:** la Biblioteca "Angelo Trebo" romagn slüta dai 18 de jügn ai 1 de iuli.

**Comun de Mareo/1:** al ven chirí na cöga/en cogo por l'ann de scora 2018/19. Les domandes é da dé jö anter les 11:00 dai 25 de jügn. Por enformaziuns plü monüdes preibel cherdé sö l'ufize personal, ☎ 0474 503753.

**Comun de Mareo/2:** en sabeda ai 23 de jügn él da ji a munt, Fanes, Sennes, Fojedöran y Fodara Vedla.

Le tru se daüri dan da te,  
l'ont te sbürli tal spiné  
soredl dáí bun cialt sön to müs,  
la plöia tomi morjela sön tü ciamp.  
Tan dio, cina ch'i s'odun endó  
dess Idio te tigní toch te söa man.

benedisciun irlandeja

**Döt le bun a:** Regina Trebo Hochgruber, *Bornech* \* 17.06.1934  
Anna Ellecosta Orru, *Maran* \* 22.06.1937  
y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le **dedemesaledema** sera a Franz Rigo: ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



## La somonza é la parora de Dio, le somenadú é Crist. Alleluia.

📖 Ez 17, 22–24 | 2 Cor 5, 6–10 | Mc 4, 26–34


### Dal Vangelo do San Merch:

Te chel tomp ti á Gejú dit ala meja: <sup>26</sup>Con le regn de Dio éra ensciö, desco con n el co somena la somonza te so ciamp; <sup>27</sup>spo dôrmel y lea endô, al ven net y al ven dé, la somonza mena y cresc, y l'el ne sa nia cô. <sup>28</sup>La tera porta da d'era enstessa so früt, empröma le fostü, spo le spi, spo düc i graní tal spi. <sup>29</sup>Mo pornanche le früt é madü, tôle la sójera, deache la sajun dla racolta é atló. <sup>30</sup>Al á dit: Con ci désson pa confronté le regn de Dio, con ci parabola désson pa le descrí? <sup>31</sup>Al ti someia a n granel de senf. Cösc é le mender de düc i graní da somonza ch'an somena te tera. <sup>32</sup>Ora ch'al é somené, se daürel y ven maiú co düc i ciarís y mena fora de gran rames, tan che i vicí dal ci pó fá coa te söa ombria. <sup>33</sup>Con trepes de te' paraboles ti ál encündé la parora, aladô ch'ai ea bogn da la tó sö. <sup>34</sup>Al baiâ empara ma te paraboles; mo a sü discepei ti spligâl döt canch'al ea su empara.

### Oraziun dal de

*Periun! Bel Dio, tö nosta speranza y nosta forza, zonza te ne derzunse fora nia: stasse dlungia con töa grazia, ch'i ponsunse, baiunse y fajunse ci co te plej. Por nosc Signur Gejú Crist, to Fi, co é Dio y vir y regneia con te t'l'unité dal Spirit Sant por düc i secui dai secui. – Amen.*

(Lezionar B)



📖 *Letöres dla gran festa dal Nadé de Jan le Baciadú:*  
**Is 49, 1–6 | St.Ap 13, 16.22–26 | Lc 1, 57–66.80**

Edema liturgica dai 17.06. ai 24.06.2018

<b>DOM 17.</b>	<b>11. domegna ia por l'ann</b>	<i>Rainer, Adolf</i>
<b>08:30</b>	<b>gran messa</b> por dōta la ploania y benedisciun fal temp <i>oferta por i debojūgn dla ploania</i>	
10:00	s.m. a Al Plan	
<b>Lön 18.</b>	<i>Felize, Simplicius</i>	
07:30	s.m. a Al Plan	
<b>Ded 19.</b>	<i>Romuald, Elisabeth, Iuliana</i>	
<b>07:30</b>	<b>s.m.</b> por vis y †† dla fam. Jan y Lena Brandlechner, Sotrú <b>s.m.</b> por † maestra Emma Taibon	
<b>Dem 20.</b>	<i>Adalbert, Margareta</i>	
18:00	s.m. a Al Plan	
<b>Jöb 21.</b>	<i>Alvije (Lovije) da Gonzaga, Alban</i>	
<b>19:30</b>	<b>s.m.</b> por †† fredesc y sorus Baldissera, Roje <b>s.m.</b> do intenziun dla familia de Lex	
<b>Ven 22.</b>	<i>Paulin, John Fisher y Thomas Morus, Christina, Wilhelm</i>	
07:10	s.m. a Al Plan	
<b>Sab 23.</b>	<i>Sabeda de Santa Maria   Edeltraud, Hildulf</i>	
<b>07:30</b>	<b>s.m.</b> por † Giovanni Ploner, La Munt <b>s.m.</b> de ringraziamont a Santa Maria dal Bun Consei	
<b>12:30</b>	<b>s.m. da noza de Julia Ploner y Nicel Bioc</b>	
18:00	s.m. pefestia a Al Plan	
<b>DOM 24.</b>	<b>GRAN FESTA DAL NADÉ DE JAN LE BACIADÚ</b>	<i>Ivan</i>
<b>08:30</b>	<b>gran messa</b> por dōta la ploania y benedisciun fal temp <i>oferta por l'Obolo de San Pire</i>	
10:00	s.m. a Al Plan	
<i>ampola:</i>	do intenziun de na familia	

*ministronc:* ▶ da doman y domegna: Nadia Trebo y Natalie Comploi  
▶ da sera y domegna: Florian Rindler y Thomas Ellecosta

*i recordun:* Jan Paur, Desproch + 23.06.2009



La forza dla somonza (Mc 4, 26–34)

**I ponsi do**

*Le Regn de Dio á na forza y na energia tan grana da cresce y se svilupé tla storia d'umanité y sön le tru dla vita de vigne porsona.*

*I ne sun nia nos a salvé le monn, al é Gejú. Nos án le compit da somené tal ciamp dla vita cōsta somonza co é Parora de verité y en at d'amur.*

**I preii ensciö**

I oress daurí sö cōsta somonza, Signur, ciaré ci ch'al é daete, odoi söa forza y moseré söa potenza. I ponsi ch'i ciarass ma ca, deache te cōsta somonza cialunse ci che trec arata debl y delicat: amur, bunté, pêsc, umilté y semplicité. Mo rodunt chisc é i valurs co davagna y triunfeia, ince sce te en gröm dificoltés. To Regn met raisc sotes tal ciamp dla storia y ensciö crescel y se slieriel fora y dūc pó goder sü früc. Iolan Signur: t'es le miú!

*Walter Cazzaniga, Parola amica – Il Vangelo della domenica per ragazzi*

*Gott allein kann  
Leben schenken,  
aber du kannst es  
weitergeben und  
achten.*

*Gott allein kann  
Glauben schenken,  
aber du kannst  
dein Zeugnis  
geben.*

*Gott allein kann  
Hoffnung wecken,  
aber du kannst  
anderen Vertrauen  
schenken.*

*Gott allein kann die  
Freude schenken,  
aber du allein  
ein Lächeln.*



*Gott allein ist  
der Weg,  
aber du kannst  
ihn anderen  
zeigen.*

*Gott allein ist das  
Unmögliche,  
aber du kannst  
das Mögliche tun.*

*Gott allein genügt  
sich selbst,  
aber er hat es  
vorgezogen,  
auf dich  
zu zählen.*

*Meditation aus Ruanda*